



Broj: 11-19-11-2-4125/25
Datum: 15.12.2025. godine

Na osnovu člana 43. i 45. stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavki za 2025. godinu, v.d. direktora Federalne uprave policije, d o n o s i:

ODLUKU

o izboru najpovoljnijeg ponuđača u postupku Javne nabavke sistema klimatizacije i ventilacije u objektima FUP-e

1. Prihvata se prijedlog Komisije za provođenje otvorenih postupaka nabavki u postupku Javne nabavke sistema klimatizacije i ventilacije u objektima FUP-e, te se Ugovor dodjeljuje Grupi ponuđača E+E+ENERGY d.o.o. Sarajevo i ITC d.o.o. Zenica, prema Ponudi broj:01-12/2025 od 01.12.2025. godine i dopuni ponude od 10.12.2025. godine, po ukupnoj cijeni u iznosu od 231.589,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-4125/25 od 21.11.2025.godine.
4. Ova Odluka objavit će se na web stranici Federalne uprave policije www.fup.gov.ba u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke sistema klimatizacije i ventilacije u objektima FUP-e, a koji je proveden po Obavještenju o nabavci broj: 1412-1-1-331-3-216/25 od 21.11.2025.godine, objavljenom u "Službenom glasniku BiH" broj:71/25, dana 28.11.2025. godine.

Dana 11.12.2025.godine, Komisija za provođenje otvorenih postupaka nabavki za 2025. godinu je izvršila radnju Otvaranja ponuda za Javnu nabavku sistema klimatizacije i ventilacije u objektima FUP-e, o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

Procijenjena vrijednost Javne nabavke sistema klimatizacije i ventilacije u objektima FUP-e, iznosi 231.589,23 KM bez PDV-a.

U postupku pregleda i ocjene ponuda za Javnu nabavku sistema klimatizacije i ventilacije u objektima FUP-e, Komisija je utvrdila da za navedenu nabavku u određenom krajnjem roku za dostavljanje ponuda pristigle (2) dvije ponude i to: Ponuda Grupa ponuđača E+E+ENERGY d.o.o. Sarajevo i ITC d.o.o. Zenica broj: 01-12/2025 od 01.12.2025. godine i dopuna iste ponude od 10.12.2025. godine sa ponuđenom ukupnom cijenom u iznosu od 231.589,00 KM bez PDV-a i Ponuda ponuđača MIH BH d.o.o. Sarajevo broj:04-12-2025 od 04.12. 2025. godine sa ponuđenom ukupnom cijenom od 231.108,12 KM bez PDV-a.

U postupku matematičke analize navedene ponude ponuđača MIH BH d.o.o. Sarajevo, Komisija je uočila računsku grešku na stavkama u Obrascu za cijenu ponude – Aneks II (stranica 41. ponude), u dijelu računanja cijene za stavku pod rednim brojem (6) šest gdje je u predviđenoj koloni ukupan iznos bez PDV-a neispravno upisan novčani iznos „193,54“KM bez PDV-a, a ispravno treba da stoji iznos „193,50 KM“, na stranici 47. ponude stavka rednog broja 40 (četrdeset) gdje je u predviđenoj koloni ukupan iznos bez PDV-a neispravno upisan novčani iznos „77,42 KM “ bez PDV-a, a ispravno treba da stoji novčani iznos „77,40 KM“ i na stranici 51, (pedeset) stavka rednog broja 70 (sedamdeset) gdje je u predviđenoj koloni ukupan iznos bez PDV-a neispravno upisan novčani iznos „154,83“KM bez PDV-a, a ispravno treba da stoji novčani iznos „154,80 KM“ što u konačnici mijenja cijenu ponude, gdje u dijelu ukupna cijena sa popustom bez PDV-a neispravno stoji „231.108,12“ KM, a ispravno treba da stoji „231.108,04“ KM, te se Komisija pismeno obratila ponuđaču MIH BH d.o.o. Sarajevo sa zahtjevom za saglasnost za ispravku računskih grešaka.

Komisija od ponuđača MIH BH d.o.o. Sarajevo zaprimila traženu saglasnost za ispravku računskih grešaka od 12.12.2025. godine, nakon čega je pristupila daljem pregledu i ocjeni ponuda, kojom prilikom je utvrđeno da ponuđač MIH BH d.o.o. Sarajevo svojom Ponudom broj:04-12-2025 od 04.12.2025. godine, nije dostavio spisak izvršenih ugovora, izdat od strane ponuđača, a koji su u vezi s predmetnom nabavkom, kako je to traženo Tenderskom dokumentacijom tačkom 12. c) Tehnička i profesionalna sposobnost, kojom je određen uslov za ispunjavanje tehničke i profesionalne sposobnosti ponuđača „Uspješno iskustvo, u realizaciji jednog ili više ugovora u predhodnih 3 (tri) godine, čija kumulativna vrijednost mora biti jednaka ili veća od procijenjene vrijednosti od minimalno 200.000,00 KM sa PDV-om“, a kao dokaz tražen „Spisak izvršenih ugovora, izdat od strane ponuđača, a koji su u vezi s predmetnom nabavkom, za period ne duži od 3 (tri) godine ili od datuma registracije, odnosno početka poslovanja, ako je kandidat/ponuđač registriran, odnosno počeo s radom prije manje od pet godina“.

Daljim pregledom i ocjenom navedene ponude ponuđača MIH BH d.o.o. Sarajevo utvrđeno je da je navedeni ponuđač u sklopu svoje ponude dostavio potpisan nacrt ugovora, ali da je u isti izostavio da unese sve tražene elemente predviđene u nacrtu ugovora tj. izostavio je da upiše cijenu ponude, kako je to traženo tačkom 27. Tenderske dokumentacije kojom tačkom je jasno određeno da je sastavni dio tenderske dokumentacije prijedlog ugovora u koji su uneseni elementi iz tenderske dokumentacije i da su ponuđači dužni uz ponudu dostaviti

prijedlog ugovora u koji su unijeli podatke iz svoje ponude, parafirati sve listove prijedloga ugovora i isti potpisati na mjestu predviđenom za potpis isporučioa.

Obzirom na navedeno, ponuda ponuđača MIH BH d.o.o. Sarajevo je u skladu sa članom 68. stav 4. tačka i) ZJN BiH ocijenjena kao nepravilna i kao takva za ugovorni organ neprihvatljiva, te je navedeni ponuđač isključen iz dalje kvalifikacije za Javnu nabavku sistema klimatizacije i ventilacije u objektima FUP-e.

U postupku pregleda i ocjene Ponude Grupe ponuđača E+E+ENERGY d.o.o. Sarajevo i ITC d.o.o. Zenica broj:01-12/2025 od 01.12.2025. godine i dopune ponude od 10.12.2025. godine, Komisija je utvrdila da je ponuda navedene grupe ponuđača formalno-pravno ispravna i ispunjava uslove tražene tenderskom dokumentacijom, te kao takva za ugovorni organ prihvatljiva.

Budući da je za navedenu nabavku pristigla samo (1) jedna prihvatljiva ponuda, a da je za istu nabavku tenderskom dokumentacijom predviđeno provođenje e-Aukcije, u skladu sa članom 4. stav 2. Pravilnika o uslovima i načinu korištenja e-Aukcije („Službeni glasnik BiH“, broj: 80/23), e-Aukcija nije zakazana.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., ZJN BiH predložila da se za Javnu nabavku sistema klimatizacije i ventilacije u objektima FUP-e, donese Odluka o izboru najpovoljnijeg ponuđača i ugovor dodijeli ponuđaču Grupa ponuđača E+E+ENERGY d.o.o. Sarajevo i ITC d.o.o. Zenica, prema Ponudi broj:01-12/2025 od 01.12.2025. godine i dopuni ponude od 10.12.2025. godine, po ukupnoj cijeni u iznosu od 231.589,00 KM bez PDV-a, što je konstatovano u Zapisniku o pregledu i ocjeni ponuda od 11.12. i 15.12.2025.godine.

Razmatrajući prijedlog Komisije, v.d direktora Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.


V.D. DIREKTOR
(Načelnik SKP-a)
GLAVNI INSPEKTOR
Enes Zeljković

Dostaviti:

- Sektor za finansije i javne nabavke
- ponuđačima
- u spis